



14.08.2025

UNICEF á Íslandi hefur opnað fyrir umsóknir um þátttöku í verkefninu Barnvæn sveitarfélög og Árborg er boðið að sækja um!

Kæru meðlimir bæjarráðs Árborgar,

Árið 2013 var Barnasáttmáli Sameinuðu þjóðanna lögfestur á Íslandi. Fljótlega eftir lögfestinguna kom í ljós að ekki væri hægt að tryggja börnum öll þau réttindi sem Barnasáttmálinn kveður á um án aðkomu sveitarfélaganna. Þess vegna hófst undirbúningur við að aðlagða alþjóðlegt verkefni UNICEF, Child Friendly Cities Initiative, að íslenskum veruleika. Árið 2019, í tilefni að 30 ára afmæli Barnasáttmála Sameinuðu þjóðanna, undirritaði UNICEF á Íslandi samstarfssamning við þáverandi félagsmálaráðuneyti um innleiðingu verkefnisins undir formerkjunum Barnvænt Ísland. Markmið samstarfsins er að tryggja aðgengi allra sveitarfélaga að stuðningi við innleiðingu Barnasáttmála Sameinuðu þjóðanna. Ætlunin er að íslensk stjórnvöld og öll sveitarfélög á Íslandi hafi á næstu fimm árum hafið markvissa innleiðingu Barnasáttmálans og tileinkað sér barnaréttindanálgu í sínum verkefnum, stefnumótun og ákvörðunum. Það er einmitt þess vegna sem mig langar að bjóða Sveitarfélaginu Árborg formlega til þátttöku í verkefninu.

Þau sveitarfélög sem taka þátt í verkefninu tilnefna umsjónarmann með verkefninu. Umsjónarmaðurinn hlýtur mikla handleiðslu og stuðning frá UNICEF en innleiðingunni fylgir ítarleg handbók, aðgangur að rafrænum fræðsluvettvangi UNICEF, einstaklingsfundir með verkefnastjóra Barnvænna sveitarfélaga hjá UNICEF, reglulegir fundir með umsjónarmönnum verkefnisins hjá öðrum sveitarfélögum á Íslandi og jafningastuðningur, vinnustofur á vegum UNICEF og alþjóðlegt samstarf við Barnvæn sveitarfélög um allan heim.

Í dag taka 23 sveitarfélög þátt í verkefninu og hefur hópurviðurkenndra sveitarfélaga farið ört stækkandi síðastliðin misseri. Mikill ánagur sést hjá þeim sveitarfélögum sem hafa innleitt Barnvænt sveitarfélag sem tala mörg hver um jákvæð áhrif þess að vinna að Barnvænu sveitarfélagi samhliða innleiðingu laga um samþættingu þjónustu í þágu farsældar barna, heilsueflandi samfélags og annara verkefna sem sveitarfélögin vinna að. Þá hafa fæðst mörg fyrirmyndar verkefni innan sveitarfélaganna á borð við tilkynningarhnappa þar sem börn geta tilkynnt sjálf um barnaverndarbrot, eða komið ábendingum áleiðis til sveitarfélagsins, verkefni sem stuðla að aukinni félagslegri virkni

ÁRBORG	
Brnr: 06.00	Mótt: 27.08.25
Ábm: B.B.	Mnr: 2508264

viðkvæmra hópa barna, breytingar á snjómoksrí og akstursleiðum strætisvagna, ungmennaráð hafa verið efld og barnaþing hafa verið fest í sessi, verkferlar innleiddir til þess að tryggja að mat sé lagt á það sem er barni fyrir bestu þegar ákvarðanir eru teknar innan sveitarfélagsins, fjármál greind út frá réttindum barnar og svo margt fleira.

„Þegar þú sérð svona árangursrík verkefni verða að veruleika langar þig ekkert að hætta, þig langar bara að halda áfram og gera enn betur.“ sagði Amanda K. Ólafsdóttir starfsmaður Kópavogsbæjar aðspurð um verkefnið.

Innleiðing laga um Barnasáttmálann er hringrásarverkefni sem þýðir að því líkur í raun aldrei. Barnvæn sveitarfélög vinna eftir innleiðingarhring verkefnisins sem er í átta skrefum. Verkefnið krefst þess að þverpólitískt samþykki sé til staðar um innleiðingu þess. Það er gert til þess að skapa samstöðu innan sveitarfélagsins og skipa verkefninu tryggan sess til lengri tíma. Að staðfestingu lokinni er mat á stöðu réttinda barna innan sveitarfélagsins framkvæmt ásamt því að barnaréttindafræðsla er tryggð fyrir starfsfólk sveitarfélagsins og þau börn sem búa í sveitarfélaginu. Þá er aðgerðaáætlun skrifuð og aðgerðirnar í henni svo framkvæmdar. Að því loknu skilar sveitarfélagið skýrslu til UNICEF um framgang verkefnisins og sé sú skýrsla samþykkt er haldið áfram í mat og viðurkenningu. Að viðurkenningu lokinni er haldið áfram, annan hring, og sveitarfélagið setur sér ný markmið. Þátttaka ungmennaráðs í innleiðingu Barnvæns sveitarfélags er lykilþáttur í árangursríkri innleiðingu. Óskað er eftir því að ungmenni úr ungmennaráði séu hluti af stýrihópi verkefnisins og að ungmennaráð taki virkan þátt í öllum skrefum innleiðingarinnar. Það er þess vegna sem ég sendi þetta bréf ekki eingöngu til ykkar heldur einnig til ungmennaráðs.

Réttindi og raddir barna skipta sköpum í því að skapa samfélög sem blómstra. Nú hefur Árborg tækifæri til þess að verða Barnvænt sveitarfélag með stuðningi UNICEF. Ég hvet ykkur til þess að skoða alvarlega möguleikann á þátttöku í verkefninu Barnvæn sveitarfélög. Ef þið hafið áhuga á að kynna ykkur verkefnið enn frekar bendi ég á heimasíðu Barnvænna sveitarfélaga: barnvaensveitarfelog.is. Ég býð einnig upp á 30 mínútna kynningu á verkefninu fyrir áhugasöm sveitarfélög. Ykkur er velkomid að hafa samband við mig (marin@uncef.is) hafið þið áhuga á slíkri kynningu eða vakni aðrar spurningar.

Með kveðju,

Marín Rós Eyjólfsdóttir

Marín Rós Eyjólfsdóttir

Verkefnastjóri Barnvænna sveitarfélaga UNICEF &
sérfræðingur í innleiðingu Barnasáttmálans
UNICEF á Íslandi | Strandgata 75, 220 Hafnarfirði
Sími: +46 70 215 28 58
Fylgdu okkur á [Facebook](#), [Instagram](#), [YouTube](#), [uncef.is](#)

Búðu til pláss - [vertu Heimsforeldri](#)

unicef  fyrir öll börn